

4583

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo unutrašnjih poslova



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство унутрашњих послова

Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Internal Affairs

Bosna i Hercegovina

KANTON SARAJEVO

Broj:01-7-02-2-5803/21  
Sarajevo, 08.11.2021.godine

01	09	10	11-2021
		38989-7-787	

21

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET:** Odgovor na zastupničko pitanje zastupnika Hasanović Senada-dostavlja se;

**VEZA:** Vaš akt broj:01-04-38989-7/21 od 22.10.2021. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koju je na 43. Radnoj sjednici Skupštine Kantona Sarajevo održanoj 22.10.2021. godine uputio zastupnik Senad Hasanović a koje glasi:

„Molim za informaciju da li je u toku proces izmjene pravilnika o policijskim uniformama iz 2013. godine ili izrada novog pravilnika i kada se može očekivati da se na tenderu za nabavke uniformi policijskih službenika mogu prijaviti i domaće uniforme koje proizvode uniforme?“

Pravilnici o policijskim uniformama iz 2013. godine prestali su da važe. Pravilnik o izgledu, dijelovima i boji posebne uniforme i dopunskih dijelova uniforme policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", broj:37/20), na prijedlog policijskog komesara donio je ministar unutrašnjih poslova Kantona Sarajevo, a na snagu je stupio 25.09.2021. godine. Stupanjem na snagu ovog Pravilnika prestali su da važe:

-Pravilnik o posebnoj uniformi za specifične geografsko-klimatske uslove službenika Uprave policije Ministarstva unutrašnjih poslova Kantona Sarajevo broj:01-303/13 od 13.05.2013. godine i Pravilnik o dopunama pravilnika o posebnoj uniformi za specifične geografsko-klimatske uslove policijskih službenika Uprave policije Ministarstva unutrašnjih poslova Kantona Sarajevo broj:01-365/16 od 25.07.2016. godine,

-Pravilnik o posebnim uniformama za policijske službenike koji obavljaju poslove i zadatke sprečavanja narušavanja javnog reda i mira u većem obimu, pripadnike kriminalističke policije, policijske službenike Jedinice za specijalističku podršku i dopunskim dijelovima jedinstvene policijske uniforme broj:01-773/13, od 16.01.2014. godine, Pravilnik o izmjenama i dopunama Pravilnika o posebnim uniformama za policijske službenike koji obavljaju poslove i zadatke sprečavanja narušavanja javnog reda i mira u većem obimu, pripadnike kriminalističke policije, policijske službenike Jedinice za specijalističku podršku i dopunskim dijelovima jedinstvene policijske unfiorme broj:01-561/14 od 17.11.2014. godine i Pravilnik o izmjenama i dopunama



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



Pravilnika o posebnim uniformama za policijske službenike koji obavljaju poslove i zadatke sprečavanja narušavanja javnog reda i mira u većem obimu, pripadnike kriminalističke policije, policijske službenike Jedinice za specijalističku podršku i dopunskim dijelovima jedinstvene policijske uniforme broj: 01-236/16 od 06.05.2016. godine.

Ministar je prije donošenja navedenog Pravilnika pokrenuo aktivnosti i uputio Federalnom ministru unutrašnjih poslova Inicijativu za izmjenu Uredbe o jedinstvenoj policijskoj uniformi ("Službene novine FBiH", broj: 43/10). Naime odredbom Ustava Federacije BiH glava III, član 4. stav a. propisano je da „kantoni imaju sve nadležnosti koje nisu izričito povjerene federalnoj vlasti, a posebno su nadležni za uspostavljanje i nadziranje policijskih snaga koje će imati jedinstvene federalne uniforme sa kantonalnim oznakama.“ Napominjemo da je članom 7. Uredbe o jedinstvenoj policijskoj uniformi propisano da federalni i kantonalni ministar unutrašnjih poslova može propisati, izuzetno od odredbe člana 2. ove Uredbe i u okviru svoje nadležnosti, posebne uniforme (konjička, uniforma za kadete, ljetna bijela uniforma, uniforma za pripadnike helikopterske jedinice i sl.) kao i dopunske dijelove uniforme za obavljanje poslova i zadataka u specifičnim geografskim i klimatskim uvjetima.

S druge strane federalnom Uredbom uređuje se izgled, dijelovi i boja jedinstvene policijske uniforme svih policijskih snaga Federacije Bosne i Hercegovine, kao i oznake koje se nose na uniformi. Ministar je tražio da nadležni organ hitno pripremi i dostavi Vladi Federacije BiH na usvajanje izmjene Uredbe s ciljem da propisane tehničke karakteristike omoguće nabavku uniformi koje su kvalitetne, funkcionalne, izrađene od materijala prilagođenih poslovima i uslovima rada te zaštiti zdravlja policijskih službenika. Tehničke karakteristike i izgled uniforme su od izuzetne važnosti, jer policijski službenici poslove i zadatke, koji su im dati u nadležnost zakonima obavljaju u policijskoj uniformi. Federalna Uprava policije 19.01.2021. godine je imenovala Komisiju za izradu Uredbe o jedinstvenoj policijskoj uniformi i tehničkim karakteristikama jedinstvene policijske uniforme u Federaciji Bosne i Hercegovine, kao i drugih propisa koji definišu predmetnu oblast. Ministarstvo unutrašnjih poslova, Uprava policije je odredila predstavnike u istu, a aktivnosti na izradi pomenute Uredbe su u toku.

Korištenje uniformi zaduženih prema ranijim propisima propisano je članom 20. Pravilnika o izgledu, dijelovima i boji posebne uniforme i dopunskih dijelova uniforme policijskih službenika Uprave policije Ministarstva unutrašnjih poslova Kantona Sarajevo na način da će do nabavke odgovarajuće jedinstvene policijske uniforme u skladu sa Uredbom o jedinstvenoj policijskoj uniformi u Upravi policije se koristiti posebne uniforme i dijelovi jedinstvene policijske uniforme, u okviru propisanih rokova trajanja.

S poštovanjem,

**Prilog:**

-CD x1.

**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0) 33 286-701, 286-702,  
Fax: + 387 (0) 33 226-445  
Sarajevo, La Benevolencije 16

